



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

XVI. Qualiter Divina opera per diem agantur. Septenis horis laudum tibi
Cantica nôris Persolvenda piè quolibet esse die.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

Laudate. Hæc vox Alleluja non transfertur in aliam linguam, tum propter sanctiorem authoritatem, ex S. Aug. & Isidoro; tum quia interjectio est jubilantis & exultantis de Dei laude, verbis aliis non satis explicabilis.

b) Id est, in Psalmodiâ, vel ante Psalmos.

c) Seu initium. Hoc aliqui servantes ad litteram, retinent Alleluja usque ad Dominicam primam Quadragesimæ, sicut olim factum. Alii cum Turrecrem. per caput Quadragesimæ intelligunt Septuagesimam, eò quòd ibi more antiquorum sit initium jejunii. Cæterùm absque ullo scrupulo fieri possumus, quòd post introductum univèrsim in Ecclesiâ morem deponendi Alleluja in Septuagesimâ, nos eidem modo accommodemus, cum S. P. ipse c. 18. sub finem hoc ipsum in simili commoneat.

d) Tertii scilicet Nocturni.

e) Id est, Laudes, ut sæpe dictum.

19. FEBR. 20. JUN. 20. OCTOBR.

CAPUT XVI.

Qualiter Divina opera a per diem agantur.

Ut

Ut ait Propheta *b*: Septies in die laudem dixi tibi. Qui septenarius sacratus *c* numerus à nobis sic implebitur, si Matutino *d*, Primæ, Tertiæ, Sextæ, Nonæ, Vesperæ, Completoriique tempore nostræ servitutis officia persolvamus, quia de his Horis diurnis dicit Propheta: Septies in die laudem dixi tibi. Nam de nocturnis Vigiliis *e* idem ipse Propheta ait *f*: Mediâ nocte *g* surgabam ad confitendum tibi. Ergo his temporibus referamus Laudes Creatori nostro *h* super *i* judicia justitiæ suæ *l*: id est, Matutinis, Primâ, Tertiâ, Sextâ, Nonâ, Vesperâ, Completorio; & nocte surgamus ad confitendum ei.

a) Sive Horæ Canonica.

b) Psalm. 118. Et subintellige ex titulo: ita agantur.

c) Dicitur sacratus, tum propter varia mysteria septenario numero comprehensa, ut sunt 7. Sacramenta, 7. Verba Christi in Cruce, 7. dona Spiritûs S. &c. Tum vero magis speciatim in presenti, quod omnes 7. Horæ sint sacratæ laudibus Divinis.

d) Sub-

- d) *Subintellige, tempore, quod modò Lau-
des vocant.*
- e) *Quæ jam Matutinum appellari consue-
verunt.*
- f) *Eodem Psalm. 118.*
- g) *Non contradicit hic locus dictis suprâ c. 8.
de surgendo horâ quâ noctis, ac modicè
amplius post mediam noctem: Nam 1. ve-
risimile est, Prophetam more Hebræorum
computâsse tempus noctis à solis occasu per
horas inæquales, ut suprâ. 2. Modicum
pro nihilo reputatur. 3. Accipi potest me-
dietas noctis in dicto Propheta per inter-
positionem inter partes extremas noctis,
licèt non sit æqualis earum distantia; ma-
ximè cum S. P. statim subdat: Et nocte
surgamus, abstrahendo à mediâ:*
- h) *Ità planè Cassianus de Instit. Monast. l. 3.
c. 3. exponit numerum septenarium Hora-
rum, ut Deo agantur gratiæ pro rebus
creatis in septem diebus.*
- i) *Id est, de vel propter.*
- D) *Quâ scilicet nos justificare intendit.*